

ASOMA Y SAC MESTER CUMINZA PLANIFICA CONCURSO DI CALYPSO MAS TEMPRAN

ASOMA Y SAC por mira atras riba un Concurso di calypso y roadmarch masha exitoso na Raceway Park y asina cu carnavál ta tras di lomba "por favor" cuminza cu planificacionnan pa e festival di otro aña. E centro aki, e ambiente, e asistencia di publico ta un indicacion cu "Festival di Calypso y Roadmarch a haya un inyeccion nobo".

Di e lugar di festival por lesa den e edicion aki suficiente y cu por bini mehoracionnan den deliberacion cu doñonan di e lugar.

A bira tempo pa bini cu dos escenario (si no ta yega na un banda so pa toca, locual pa hopi tempo lo keda un deseo tambe).

Tardanzanan cu tabata tin tabata causa hopi pa instalacion di equiponan electronicu manera Sequencer-nan. Musical Time" como banda habridor cu comeback masha bunita di Lady K a prepara pa habri y no por menciona tardanza aki. Dushi Band, Kenny Clay, TIGO, Robert y su Solo

Banda Show y hasta OREO cu ta asina grandi y cu su equiponan electronicu tambe tabata rapido cu preparacion.

Pa evita "banda fastasma" manera por a mira diarazon anochi mester bini estipulacionnan. Masha mahos ta pa mira un cantante riba stage y cu su coro na un banda, musica sonando y no ta mira NI UN TOCADOR pasobra ta un mashine ta produciendo sonido y manera hopi a comenta, cu doblamento, locual tambe mester prohibi.

E asunto di sorteo mester wordo solucionado aunke no tabata tin problema grandi causa pa e manera cu esaki a tuma lugar. Mester di un disciplina di tur bandanan pa cumpli cu estipulacionnan.

A trata di pone reglamento pa composicionnan, areglonan y nomber di cancionnan ta entrega riba cierto fecha pa por traha programa, pero esaki tambe a "falla barbaramente".

Imaginabo cu riba escenario ta na pida pida maestronan di ceremonia tabata ricibi programa di anochi, (UN COPIA so pa tres persona usa) y keto bay mester busca papel back pa haci otro cambionan riba programa.

For di varios dia di antemano mester tabata conoci caba kendenan ta actua y cu tur nan datonan y no ultimo anochi durante e festival y cu ningun hende sa di nada kico e anochi lo ta encera.

Mucho trabao a ser hinca den man di stagemanager cu a resulta di ta tipista, secretaria di su mes, coordinadora, y tanto cos mas ademas di su trabao como stagemanager. Uka Marchena tabata cu man mucho yen pa carga tur e tareanan cu otronan por a haci pa facilita su trabao.

Time keeper, yjuradonan tabata tin dolor di cabez sigur cu e tardanzanan, kizas no mucho cu e intercambio di luznan berde, geel y corra pasobra aki sigur hopi consideracion a ser teni.

A bira cu mester bay back

na sistema di 3 anochi. Mester tin e eliminacionnan pa asina riba e anochi final e publico por goza di comienzo te final sin interrupcion di banda y cantante di menos peso cu ta baha nivel di e anochi. Esaki por a ripara claramente e anochi aki caminda cu publico ta keda para ta conversa sperando ki ora tin un banda y cantante cu ta pone nan balia.

E libertad di por presenta nan grabacionnan di antemano tambe a influencia e anochi positivamente. EQO, QUASI y TAXX a demostra esey cu nan grabacionnan di antemano haci poni riba mercado y cu e publico por a identifica nan mes cu nan.

Lamentable tabata cu e stipulacion di warmup y presentacion di 3 minuut a pone cu e bandanan no por a sali "explota" cu e piezanan aki. TAXX si a usa nan den e concurso y publico a bira loco cu nan.

No por keda sin menciona e tecnicianan di Crystal Sound cu a haci un trabao tremendo pa e sonido, principalmente esun principal riba escenario y su helper-nan. Fallonnan tecnico den mayoria di caso tabata debi na sacamento di waya riba tereno y riba stage. Hopi pasenshi e personanan aki tabata tin sigur. E sacamento di waya a pone cu na dado momento hasta Miki y Uka a subiteno bay meymey di publico pa evita nan di yega cerca di e wayanan y stroba sonido.

SUGERENCIA (ATROBE) PA OTRO AÑA

-- Back back pa dos anochi di eliminacion, un anochi liber pa bandanan haci retoque na nan pieza, y un anochi final.

-- Haci palabracionnan di awor caba riba e tres anochi-nan otro aña na e mes lugar. Hasta stipula fecha di awor caba.

-- ASOMA reuni cu lider-nan di banda, y lidernan di banda muestra comprension, percura pa ta conoci un siman prome cu festival caba, kico ta e composicionnan, titulonnan etc. di participan-tenan.

--- Compositornan, y cantantenan, traha tempran riba e cancionnan pa asina areglistanan por tin tempo suficiente pa traha riba areglonan.

-- Ora tene anochi informativo, sea pa cantante of pa lidernan di banda, asisti y haci palabracionnan concreto.

-- Ta conoci cu tin compositor, banda y cantantenan cu kier warda te ultimo ora pa topico di cancion. Trata na caba esaki prome cu anochi di inscripcion pa asina gana tempo den preparacionnan y programacion y pa haya e promocionnan necesario.

--- Si sinta planea di antemano, muestra comprension pa situacionnan cu ta presenta su mes, trata na mehora y coregi errornan di pasado, no mag di tin ni un problema den e concurso aki. No mag tin e polemica di tur aña. Tur hende traha cu otro na nivel igual, busca pa mehora y e pueblo lo por goza di un temporada cortico pero divertido di carnaval 1997.

July.

PASENSHI DI ESNAN DI HUBDASTRAAT A CUMINZA CABA

ORANJESTAD (AAN): Un lector a trece dilanti na DIARIO cu ainda e parti di Hubadastraat, for di casnan 14 te cu 18, e caya no a ser drecha manera priminti.

Tur e cayanen den vecindario a haya un di e prome capanan di asfalt, pero net e parti aki a keda sin haya. E habitantenan a ser priminti cu ora Januari habri, nan lo sigui drecha e caya.

Habitantena ta reclamando cu tin hopi buraco den e pida caminda aki, y ta pidi pa

DOW caba cu e trabao cu nan a cuminsa.

For di un bon fuente, DIARIO a compronde cu no por a haci e trabaonan aki anteriormente debi cu un otro compania mester a haci trabaonan necesario sea na cabel of tuberia di awa cu tin eybao prome.

Net e siman aki tambe por a ripara cu WEB a instala valve nobo den e cayanen aki, y esey por nifica cu e trabao aki ta cla y awor pronto asfalt lo ser poni.

YARD SALE

ANTIL

CURACABAI

CASH & CARRY

27 NON STOP JAN

DI 8.00 - 14.00 'OR

LOW LOW PRICES !!



Hardware & Building Materials



Fergusonstraat Tel: 24040 San Nicolas Tel: 46162